

## 97 APPENDIX.

### SCRIPTA DEPERDITA SANCTI CHROMATII.

*Tractatus* procul dubio seu *Commentarios* scripsit sanctus Chromatius Aquileiensis episcopus in *Evangelium sancti Matthæi*, ab ipso illius sacri Textus exordio usque saltem ad ejusdem cap. vi, vers. 24, ubi desinat *Tractatus* ultimus, qui superest, in idem *Evangelium*. Cum *Tractatus* hujusmodi sive *Commentarios* scriperit sanctus noster episcopus, ut privatim legendos traderet ad piam fidelium exercitationem, prout conjectimus in *Præfatione* ex verbis ipsis sancti Præsulis, quæ babentur *Tractatu* 5, num. 2; hinc jure inferimus, eumdem *Tractatus* seu *Commentarios* suos inchoasse ab exordio illius *Evangelii*, et integrum perduxisse, absque ullo hiatu, ad minus usque ad *Tractatum* ultimum quem habemus, qui in hac nostra editione est 17; licet non invite conjectare possimus, eumdem ulterius quoque produxisse opus, et fortasse ad extrellum usque versiculum totius *Evangelicæ Matthæi historiæ*, ut latius in *Præfatione*.

*Deperdita* itaque merito censentur primo, quæ

A scripsit sanctus Chromatius ab initio *Evangelii sancti Matthæi*, usque ad vers. 15 capituli iii, ubi incipit *Tractatus* qui in hac nostra editione primus est, quique apud Gallandium, inverso prorsus ordine, 17 numeratur.

*Deperdita* secundo haberi debent, quæ scripsit sanctus Chromatius a versu 17 capituli iii ejusdem *Evangelii*, usque ad initium capituli v, ubi incipit *Tractatus*, qui in nostra editione 3 est, quique perperam apud Gallandium 2 inscribitur.

Atque hæc saltem sunt quæ jure optimo desiderantur ex sancti Chromatii Opere in *Evangelium sancti Matthæi*.

B *Deperdita* tertio sunt epistolæ complures, quas scimus sanctum Præsulem dedisse ad sanctum Ambrosium, ad sanctum Hieronymum, ad sanctum Joannem Chrysostomum, necnon ad Honorium et Arcadium Augustos; ut patet ex *Lucubrationibus*, quas subjecimus, clarissimorum virorum Fontanini atque de Rubeis.

### 99 SCRIPTA S. CHROMATIO FALSO ATTRIBUTA.

#### MONITUM DE SEQUENTIBUS EPISTOLIS,

*Ex Biblioteca Sancta Sixti Senensis libro II, pag. 138 tom I editionis Neapolitanæ  
Fr. Piti-Thomæ Milante 1742.*

Matthæus evangelista singitur esse auctor duorum librorum, quorum alter, *De ortu, sive stirpe Mariæ*, alter *De infantia Salvatoris* inscribitur; qui Valentinianorum et Gnosticorum commenta sunt. His libris incepti quidam auctoritate asserere cupientes, præfationes addiderunt sub nomine Chromatii et Heliodori episcoporum ad Hieronymum, et Hieronymi ad ipsos confictas; quæ utrumque opus testarentur a Hieronymo in gratiam eorumdem episcoporum ex Hebreo Matthæi volumine translatum, et ab Hæreticorum falsationibus expurgatum. Sed cum in his libris, eadem nunc existent aniles fabulæ, quas Irenæus in primo adversus Valentinianorum heres, et Epiphanius primo Panarii, sectione tertia, ex iisdem voluminibus refellunt, palam appetit impostorum deceptio. Gelasius distinct. 15 inter libros ab Ecclesia damnatos utrumque abicit.

#### EPISTOLA I.

*Sub sanctorum Chromatii et Heliodori nomine, ad sanctum Hieronymum, de duabus apocryphis libris; videlicet, De ortu Mariæ Reginae Virginis, et de infantia Salvatoris: cui accedit Pseudo-Hieronymi gemina responsio:*

(Ex Codice Apocrypho Novi Testamenti Joannis Alberti Fabricii, tomol. I, pag. 7 et seqq. editionis secundæ, Hamburgi 1719; atque ex tomo XI Operum Sancti Hieronymi, editionis Veronensis Dominici Vallarsii, col. 279 et seq.).

Dilectissimo fratri HIERONYMO presbytero, CHROMATIUS et HELIODORUS episcopi salutem in Domino.

100. *Ortum Marie reginæ virginis, simul et nativitatem atque infantiam Domini nostri Jesu Christi in apocryphis invenimus libris, in quibus multa con-*

C traria nostræ fidei considerantes scripta, recusanda credimus universa: ne per occasionem Christi, lætitiam Antichristo traderemus. Ista igitur nobis considerantibus, exsisterunt viri Dei, Armenius et Virinus, qui dicerent sanctitatem tuam beatissimi Matthæi Evangelista manu scriptum volumen Hebraicum invenisse, in quo et Virginis matris, et Salvatoris infantia esset scripta: et idcirco tuam charitatem per ipsum Dominum nostrum Jesum Christum expetimus; quatenus et illud ex Hebræo Latinis auribus tradas: non tantum ad percipiendum quæ sunt Christi insignia, quantum ad hæreticorum astutiam excludendam, qui ut doctrinam malam instituerent, bonam Christi nativitatem suo mendacio miscuerunt, ut post dulcedinem vitæ, mortis amaritudinem oc-